

fosse dà l'abazia a domino Sebastian Trivixan eleto abate per li Trivixani, hanno *ius patronatus*. Ezzo Orator anderà a la Santità dil Papa, et vederà de impetrar la concession. Scrive, haver il Papa in concistorio publicà Legato in Hongaria il reverendissimo cardinal Colonna in materia christiana, et vol *etiam* mandar altri Legati a li potentati christiani, cardinali, etc. *Item*, scrive uno breve a domino Hironimo Adorno orator cesareo exortandolo a la ultimation di l'acordo trata con la Signoria nostra, per poter poi atender a far la union christiana etc. Si dice il Papa vol mandar in Franza il cardinàl Voltera, Monte a l'Imperador, Campezo in Anglia. *Item*, vol meter decime a le terre di la Chixia, e mezo duchato per focho. *Item*, Il signor di Rimano, à eleto do cardinali vedi le so raxon Voltera e Grassis; ma vol prima restituissi Rimano et li dà ducati 100 al mexe.

Da poi disnar, fo Collegio di Savii *ad consulendum, tamen* doveano far Consejo di X con la Zonta per compir la materia de le monede forestiere, et *maxime* sopra quelli da 12 voleno bassarli.

A dì 8, *Domenega*. La matina, nulla fo di novo. Da poi disnar, fo Gran Consejo. Fu preso una gratia di uno povero incarcerato, di poter iustificar le raxon sue per varentarsi la vita.

Fu fato Conte a Spalato et Conte a Sibinico; ma prima uno Procurator di san Marcho, iusta la parte, qual sarà notado qui avanti, et poi rimaso non fo chiamà a la Signoria, ma con alcuni soi parenti fo aperto, e andò zoso. Intrarà del 1525; el qual sier Antonio Capello portò ducati 8000 in sachi 6, di qual 500 è donadi.

1604. *Electo Proourator di san Marcho, iusta la forma di la parte.*

non Sier Fantin da cha' da Pexaro, qu.

sier Lunardo.

non Sier Mafio Bernardo *dal Bancho*,

qu. sier Francesco.

† Sier Antonio Capello è di Pregadi,

qu. sier Batista, qu. sier Marin. 1410.199

*Item*, fo publicà molti libri di officii di debitor mandati a palazzo, iusta la parte presa in Pregadi a dì 19 Fevver pasado.

11\* A dì 9, fo lettere di Roma, di 5, di l'Orator nostro. Come, hessendo andato dal Papa in execution di la lettera dil Senato aziò desse l'abazia di Borgognoni esso Orator, disse: *Videbimus de iure*

*et expediemus. Item*, che fiorentini mandano 6 oratori a dar ubedientia al Papa. *Item*, il Papa si duol la Signoria non ubedisse uno suo breve l'ha scritto, di dar il possesso di certo beneficio a uno in brexana. *Item*, dil vescoà di Cremona ancora non l'ha dato. Si dice Enchfort datario l'haverà; chi domino . . . . suo secretario; chi uno fio di missier Hironimo Moron, a requisition dil ducha di Milan. Et altre particolarità scrive.

Da poi disnar, fo Consejo di X con la Zonta sopra le monede, et ordinono li officii non tolesseno quelli da 12 da le corone, per esser molto bassi de arzento. *Item*, parlò di bater in zecha moneda d'arzento da marcheti do l'uno; ma nulla fu deliberato.

Fu posto, una gratia; che sier Antonio Mozenigo electo Procurator di san Marco dimanda, atento habbi ducati .... dato per venir in Pregadi, et essendo Procurator vien et mete balota, perhò vol in loco suo meter sier Hironimo Querini, qu. sier Francesco, fo savio a i ordeni. Ave: 17, 10 di no. Et non fu preso, perchè la vol i do terzi. A uno altro Consejo.

A dì 10. La matina, nulla fo da conto. Vene l'orator di Franza in Collegio, et mostrò lettere di Roma di 5; come erano stà presi 7 spioni dil Turco; et altre particolarità, *ut in litteris*, e il capo suo è fuzito.

Da poi disnar, fo Pregadi, per far li Savii a i ordeni, atento questi zoveni fanno gran procure etc.

Fu posto, per li Consieri, che sier Piero Zen electo orator al Signor turcho possi venir in Pregadi non metando ballota, fino el vadi a la sua legation. Et fu presa, et vene in Pregadi.

Fu posto, per tutto il Collegio, dar al ditto ducati 900 per spexe di 6 mexi. *Item*, ducati 25 per la bolla d'oro di la lettera credenza, e altri danari per la sua expedition. E fu presa.

Fu posto, per i Savii a i ordeni, excepto sier Zuan Lando, per compir le fabriche di Corfù siano tolli ducati 300 al mese di la limitation di l'Arsenal, di le camere di terra ferma, et siano mandati a Corphù per questo, *ut in parte*, sicome fu preso et si ha mandà per sto tempo passato, et è compito il tempo. Et sier Francesco Morexini savio a terra ferma introe in questa opinion. Contradise sier Andrea Griti procurator, provedador a l'Arsenal, dicendo il bisogno dil danaro per l'Arsenal, per meter in ordine 70 galle, sichè non è da tuor questi danari di la limitation etc. Li rispose sier Marco Bembo savio a i ordeni; poi parlò sier Zuan Lando per la soa opinion, et li rispose sier Bertuzi Gabriel savio a i ordeni. Et il Griti e i Patroni a l'Arsenal messeno